

Alur - Both Lembagora pa Mungu - Salvation Scriptures

JuEfeso 2:2 ma naka wuwothro i ie calku kura mi ng'om maeni, calku jadit mi tego mi lietho, mi tipo ma kawono ubetimo i wot juco;

Matayo 6:10 Ker peri bin, Yeny m'iyenyo utimbre i ng'om calu etimbre i polo.

Luka 22:42 ewacu kumae, Vwa, tek iyenyo, kab kikombe maeni kud i bang'a: ento yeny para ngo, ento peri, utimbre.

Yohana 16:7-9 Ento ayero iwu lemandha: en e ber iwu nia acidhi; kum tek acidhi ngo, Jajuk bibino i beng'wu ngo; ento tek acidhi, abiore i beng'wu. 8 En de, kan ebino, ebituco wi ng'om pi dabo, man pi bedopwe, pi pokoiembe de: 9 pi dabo, kum giyio ira ngo;

2 Timoteo 2:10 Kum kumeno aciro gin ceke pi ju ma jugoyo nying'gi, kara gin bende ginwang' both ma juboth ko ma ni i Yesu Kristu karacelo ku dwong' ma nja ku nja de.

JuRumi 15:20,21 eyo, m'akeco nik ayer lembanyong'a ma juboth ko, i ka ma nying' Kristu lwongre i ie ngo, kara kud agom wi kathere pa ng'atu mange; 21 ento, calu egore kumae, Gibineno, gi ju ma pire fokuwok igi ngo, Man ju ma fokuwinjo ngo gibing'eyo.

Tic mi Jukwenda 2:36,37 Dong' juot pa Israel ceke ging'ei ma cwinygi kwio, nia Mungu ketho Yesu maeni ma wugure, ni Rwoth ku Kristu bende. 37 Nie ka giwinjo maeni, e ecobo adundegi, man giwacu ni Petro giku jukwenda wagi de kumae, Umego, wabitimo ang'o?

JuEbrania 4:2 Kum andha judaru yero lembanyong'a ma juboth ko iwa, cil calu gin bende: endre lembawinja kelo kuloka igi ngo, kum eribre ku yiyoic ungo i ju m'uwinjo.

Yeremia 24:7 - Matayo 22:37 Man ewacu ire kumae, Mar Rwoth Mungu peri kud adundeni ceke, ku ng'eyong'ec de ceke, man ku pidooi ceke.

Tic mi Jukwenda 16:14 Nwang'u dhaku moko ma nyinge Ludia, m'e jatim jamkuloka m'uluga, m'eai i adhura Thuatera, en e ng'atu ma rwo ni Mungu, ewinjo dwandwa: Rwoth uting'o adundene kara ie pid pi gin ma Paolo yero.

Matayo 13:14-16 E lembila ma yang' Isaya yero timbre igi kakare, m'uwanacu kumae, Awinja re wubiwinjo, ere wubing'eyo ki ngo; Anena de wubineno, ento wubineno ki ngo: 15 Kum adunde dhanu maeni doko nwang', Ithgi de dhing', Wang'gi de gimio; Kara ku ginan ku wang'gi, Ku giwinj ku ithgi, Ku ging'ei kud adundegi, Gimaru lokri kendo, Man amaru cangugi. 16 Ento mugisa ni weng'wu, kum gineno; ni ithwu de, kum giwinjo.

Isaya 6:9,10 - Tic mi Jukwenda 28:27 Kum adunde dhanu maeni doko nwang', Ithgi de dhing', Wang'gi de gimio; Kara ku gineng ku wang'gi, Ku giwinj ku ithgi, Ku giug'ei kud adundegi, Ku gilokri kendo, Ketho acanggi. Marko 4:11,12 Man ewacu igi kumae, Giramung'a mi ker pa Mungu jumio iwu: ento ni ju ma gini woko, gin ceke timbre ku lembabola: 12 kara anena gicopo neno, endre ging'ei ngo; awinja de gicopo winjo, endre ging'ei ngo; kara ku gilokri kendo, man ku juwek dubo migi woko.

Yohana 12:39,40 Kum lembe maeni gicopo yio ngo, kum Isaya wacu kendo kumae, 40 Ecido wang'gi, edwoko adundegi nwa ng', Kara ku gineng ku wang'gi, ku ging'ei kud adundegi, Ku gilokri de, an de kud acanggi.

JuRumi 11:7,8 Ka ke ang'o? Maeno ma Israel ubeyenyo, maeno enwang'u ngo; ento ju ma jugoyo nying'gi ginwang'e man donge m'udong' judwoko cwinygi nwang': 8 calu egore kumae, Mungu mio igi tipo mi rip rip, wang' kara ku gineng, man ith kara ku giwinji, cil i ceng' maeni nini.

2 JuTesaloniki 2:10,11 man i abombi ceke mi gondri ni ju m'urwinyo; kum gjolo mer mi lemandha ngo, kara gibothi. 11 Kum lembe nini Mungu oro igi tego mir awondi, kara giyi ndra:

Matayo 13:18-23 Ka kumeno wuwinj lembabola pa jacoikodhi. 19 Ka ng'atu moko winjo lembe mi ker, eng'eye de ngo, ng'atu ma rac lund bino, emayu de maeno ma jucoyo i adundene. Maeni en e ma jucoyo dhu yo. 20 E maeni ma jucoye ka ma ie ju kidi, maeni en e ng'atu m'uwinjo lembe, ejole de pio pio ku mutoro; 21 ento ebedo kud ulage i ie gire ngo, ento ebedo nyangba; man ka masendi kadi ragedo wok kum lembe, e aruca ruca ekier. 22 E maeni ma jucoyo kind ukudho, maeni en e ng'atu m'uwinjo lembe; e giki m'i ng'om, kud awondi mi lonyo, gideyo lembene, e ecego nyinge ngo. 23 Man maeni ma jucoye i ng'om ma ber ke, maeni en e ng'atu m'uwinjo lembe, man eng'eye; m'ecego nyinge andha, ecego de, moko acel bang' dak, moko acel bang' pier abusiel, moko acel bang' pier adek.

2 JuKorinto 3:15,16 Ento cil i ceng' maeni, kinde ma tek jusomo Musa, e bongune umo adundegi. 16 Ento kinde ma tek ebilokre ni Rwoth, bongune kabre woko.

Hoseya 11:3-7 - Matayo 11:28-30 Wubin i bang'a, kewu ceke ma wumulu ku tic ma ter ma pek unurowu, man abimio iwu yom. 29 Wuting' mberembere para i wiwu, wumak ponji de i bang'a; kum an a ming' a mol de i adunde: e wubinwang'u yom i ng'eyong'ec mu. 30 Kum mberembere para e yet, ter para de foka foka.

Tic mi Jukwenda 26:18 niyabu wang'gi, kara gilokri kud i mudho giwok i der man kud i tego pa Jok ba Mungu, kara ginwang' ruc mi dubo, man camupacu kind ju ma judwokogi leng' ni kum yiyoic ma ni kuma.

2 Timoteo 2:24-26 Man ke jamiru pa Rwoth maku kud edhau, ento ebed yo ni dhanu ceke, ku ng'eyo rieko mi ponji, ku reyo lembe de i tielo, 25 ku ponjo ju ma piwu nge kugi ku molcwiny; kuno nyo Mungu bimio igi lokocwiny cil ku ng'eyong'ec mi lemandha, 26 kara gai gigi kud i uwic pa wonabali, m'edaru makugi ni ayeki ni yeny ma ie yenyo.

LembaNyutha 3:17-19 Kum iwacu kumae, An a lony, man alimo lonyo, man can gin moko mbe m'unega; m'ing'eyo de ngo nia in i jacon m'umbe mutoro de man m'umbe piny man abinga, muneru de: 18 amio iri rieko nia ing'ieu mola ma kwar i bang'a m'uwang' i mac, kara idok m'i lony; ku kendi ma tar, kara ironjri, kara lewic mi muneru peri kud unen: man mo m'i wang' de m'iwr ko weng'i, kara inen. 19 Ku ba ju m'amaru ceke, ajukogi man aponjogi: ka kumeno bed k'amora, man ilok cwinyi.

2 JuKorinto 7:10 Kum can ma ayi Mungu ni i kume timo ni lokocwiny ni both, en e lokocwiny ma kelo can ungo: endre can m'i ng'om timbre ni tho.

1 Ubimo 18:37 - Mungu turn heart back to Mungu.

2 JuKorinto 4:4 i joca mungu mi ng'om maeni yutho wang' pidoic mi ju ma juyic ungo, kara der mi lembanyong'a ma juboth ko mi dwong' pa Kristu, ma en e ayi Mungu kud uler igi.

Luka 8:11-15 Nie the lembabola e eni: Kodhi en e lem pa Mungu. 12 Ju ma dhu yo gi ju m'uwinjo; e wonabali lund ubino, man ekabu lembe woko kud i adundegi, kara ku giyi giboth de. 13 Ju ma wi cana ke, gi ju ma ka giwinjo, gjolo lembe ku mutoro; maeni de ulaggi mbe kugi, ma guyio mi nindo ma nyanok, i nindo mir abidhe de gikier. 14 Maeno m'upodho kind ukudho ke, maeni ju m'uwinjo, e ka gicidho i yo migi gideiri ku giki m'i ng'om ku lonyo man mutoro mi kwo maeni, e gicego nyng'gi moko ngo ma cu. 15 Maeno m'i ng'om ma ber ke, joni gi calu ju m'uwinjo lembe i adunde ma ber ma cu de, ma ka giwinjo lembe, gimoko kume ki, man gicego nyng'gi ku twiocwiny.

Tic mi Jukwenda 15:11 Ento wayio ya wabiboth ni kum bero pa Rwoth Yesu, calu gin.

JuRumi 8:13 kum tek wubedo tok kum, wubikotho be; ento tek wunego tic mi kum ku Tipo, wubibedo kwo.